

Քոլեջի տնօրեն

Լ. Մեհրաբյան



Համուստված է

Քոլեջի հիմնադիրների խորհրդի

31.03.2015թ. նիստում

(Արձանագրություն թիվ 31)

«ՄԵՀՐԱԲՅԱՆԻ ԱՆՎԱՆ ԲԺՇԿԱԿԱՆ ՔՈԼԵՋ» ՄՊԸ

ՄԱՆԿԱՎԱՐԺԱԿԱՆ ԽՈՐՀՐԴԻ

ԿԱՆՈՆԱԿԱՐԳ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 «Մեհրաբյանի անվան բժշկական քոլեջ» ՄՊԸ բժշկական քոլեջի (այսուհետ՝ Քոլեջ) մանկավարժական խորհուրդը (այսուհետ՝ Խորհուրդ) խորհրդակցական մարմին է, որի նպատակն է կազմակերպել Քոլեջի կրթական գործունեությունը՝ միաժամանակ բարձրացնելով ուսանողների կրթության և դաստիարակության որակը:
- 1.2 Խորհրդի կազմը, ՀՀ օրենսդրությանն ու Քոլեջի կանոնադրությանը համապատասխան և սույն կանոնակարգով ձևավորվում է հետևյալ տոկոսային համամասնությամբ:
 - Քոլեջի ղեկավար կազմը ամբողջությամբ -100%,
 - Քոլեջի դասախոսական կազմը ամբողջությամբ--100%,
 - Քոլեջի ուսանողությունը՝ Խորհրդի ընդհանուր կազմի -25%-ը,
 - Գործատուներ և հրավիրվածներ հրավիրվածության շրջանակներում:
- 1.3 Սույն կանոնակարգը հաստատվում է Քոլեջի հիմնադիրների խորհրդի կողմից և վավերացվում Քոլեջի տնօրենի կողմից:
- 1.4 Քոլեջի հիմնադիրների խորհրդի հաստատումից հետո սույն կանոնակարգը մտնում է ուժի մեջ:
- 1.5 Խորհրդի աշխատանքները ղեկավարում է Քոլեջի տնօրենը, որն ի պաշտոնե Խորհրդի նախագահն է:
- 1.6 Խորհրդի անդամներից նշանակվում է մշտական քարտուղար, որը պատասխանատու է Խորհրդի նիստերի արձանագրման համար:

2. ԽՈՐՀՐԴԻ ԳՈՐԾՈՒՆԵՈՒԹՅՈՒՆԸ ԵՎ ԼԻԱԶՈՐՈՒԹՅՈՒՆՆԵՐԸ

2.1 Խորհուրդը քննարկում է.

- Քոլեջի զարգացման ծրագրերը և հեռանկարները, որոնք ներկայացվում են հիմնադիրների խորհրդի հաստատմանը,

- ուսանողների ուսումնառության որակի և նրանց հետ տարվող դաստիարակչական աշխատանքների կազմակերպման հարցեր,
- Քոլեջի ուսանողական խորհրդի ներկայացրած հաշվետվությունները, ինչպես նաև ուսումնական գործընթացին վերաբերող այլ հարցեր:

2.2 Խորհուրդը որոշումներ է ընդունում.

- Քոլեջի աշխատանքային ռեժիմի և աշխատանքային շաբաթվա տևողության մասին,
- ուսանողներին կուրսից կուրս փոխադրելու մասին,
- օրենսդրությամբ, Քոլեջի ներքին կարգապահական կանոններով և կանոնադրությամբ սահմանված կարգով Քոլեջի աշխատակիցների և ուսանողների նկատմամբ խրախուսանք կամ կարգապահական տույժ կիրառելու մասին:

3. ԽՈՐՀՐԴԻ ՆԻՍՏԵՐԻ ԱՆՑԿԱՑՄԱՆ ԿԱՐԳԸ

3.1. Խորհրդի նիստերը գումարվում են խիստ կանոնակարգված և պարտադիր տարեկան չորս անգամ հետևյալ ժամանակացույցով (Հրաման 02/15, 02.01.2015թ.)

առաջին նիստ – 02.02 ÷ 06.02,

երկրորդ նիստ- 02.07 ÷ 06.07,

երրորդ նիստ- 24.08÷27.08,

չորրորդ նիստ- 24.12 ÷ 27.12,

անհրաժեշտության դեպքում գումարվում են նաև արտահերթ նիստեր՝

- տնօրենի նախաձեռնությամբ,
- մանկավարժական խորհրդի անդամների 1/3-ի նախաձեռնությամբ,
- հիմնադիրների խորհրդի նախաձեռնությամբ:

3.2 Խորհրդակցական ձայնի իրավունքով Խորհրդի նիստերին կարող են մասնակցել գործատուներ, շրջանավարտներ, ծնողներ և այլ անձինք:

3.3 Քոլեջի ուսումնական մասը, Խորհրդի նիստերից առնվազն մեկ շաբաթ առաջ, Խորհրդի մասնակիցներին պատշաճ կերպով տեղեկացնում է նիստերի անցկացման տեղի, ժամի և օրակարգի մասին:

3.4 Խորհրդի նիստի որոշմամբ նիստի օրակարգում կարող են կատարվել փոփոխություններ:

3.5 Խորհրդի նիստերն իրավագոր են, եթե դրանց մասնակցում են Խորհրդի անդամների թվի կեսից ավելին:

3.6 Խորհրդի որոշումներն ընդունվում են քվեարկությանը մասնակցած Խորհրդի անդամների ձայների մեծամասնությամբ, ընդ որում Խորհրդի յուրաքանչյուր անդամ ունի մեկ ձայնի իրավունք:

3.7 Խորհրդի անդամների ձայների հավասար բաշխվելու դեպքում, ընդունվում է տնօրենի առաջարկը:

3.8 Խորհրդի քարտուղարը պատասխանատու է Խորհրդի արձանագրությունների բարեխիղճ կազմման համար, նիստի արձանագրությունը կազմվում է չորս աշխատանքային օրվա ընթացքում և ստորագրվում ու կնքվում է Խորհրդի, նախագահի կողմից: